

Xon⁴xi³ pa²stro⁴Pablo qui³squi³-le⁴cho⁴ta⁴efesios

1 An³ nia¹³ Pablo, pa²stro⁴-le⁴ Jesucristo, nca⁴ c⁷oa⁴-s⁷in² coan³me³-le⁴ Ni³na¹. Ti²cji³-no³ jon² xi³ cho⁴ta⁴-le⁴ Cristo, xi³ ti³yo³ ya⁴ Efeso. Nta³ ma³nquin¹t⁷a³-lao⁴³ Cristo Jesús. 2 Ni³na¹ n⁷ai³-na¹ cao⁴ Nai³-na¹ Jesucristo ca²ta³tsjoa¹-no³ cjoa⁴nta³, c⁷oa⁴ ca²ta³si¹qui³njen³nch⁷an¹jjin³ ni⁴ma⁴-no³.

Ni³na¹ si¹chi³con³t⁷ain³-na¹ nca³ ti³yo³coa⁴² Cristo

3 Ca²ta³vi³tjo³je³ya³ Ni³na¹-le⁴ cao⁴ N⁷ai³-le⁴ Nai³-na¹ Jesucristo, xi³ qui³si³chi³con³t⁷ain³-na¹ cao⁴ nca³yi³je³ cjoa⁴nta³ xi³ ts⁷e⁴ nc⁷a³jmi³ xi³ t⁷a³ts⁷e⁴ ni⁴ma⁴-na¹, nca³ ti³yo³coa⁴² Cristo. 4 Ni³na¹ c⁷oa⁴-s⁷in² tsa³cja³⁷a¹jjin³-na¹ nca⁴ ti³yo³coa⁴² Cristo sa³⁷nta³ nca³ cje³ s⁷e³nta³-jin² son³⁷nte³, jme¹-ni³ nca³ tsje³ coan⁴-si¹nia³² nca³ ni⁴jme³-jin² je¹ s⁷e⁴-si¹ni³na¹ nqui³xcon⁴ nca³ je². 5 C⁷oa⁴-s⁷in² coan³tsjoa³que³-na¹ nca³ to⁴nqui³-ni³ qui³sco³son²-ni³le⁴ nca³ ?nti¹-le⁴ coi⁴tso⁴-na¹ xi³ to⁴t⁷a³ts⁷e⁴ Jesucristo, jo³-s⁷in² coan³me³-le⁴ nca³ je², 6 jme¹-ni³ nca³ nta³ coi⁴tjo³-si¹ni³ cjoa⁴je³ya³-le⁴ xi³ to⁴t⁷a³ts⁷e⁴ cjoa⁴nta³-le⁴. Je² cjoa⁴nta³-le⁴ qui³tsjoa³cjoa⁴tjao²-na¹ nca³ ti³yo³coa⁴² je² ?nti¹-le⁴ xi³ tsjoa³que³. 7 Je² Cristo tsa³c⁷e¹chji¹ntjai²-na¹ cao⁴ njin¹-le⁴. Qui³si³cha³t⁷a³ je¹-na¹ nca³ c⁷oa⁴-s⁷in² to⁴n⁷ion¹ tse³ cjoa⁴nta³ xi³ tjjin¹-le⁴. 8 Je² cjoa⁴nta³-le⁴ n⁷ion¹ tse³ qui³si³ncjin²ya³son²-na¹ cao⁴ nca³yi³je³

cjoa⁴chji⁴ne⁴ cao⁴ cjoa⁴fa³⁷ai³tsjen³-le⁴. 9 C⁷oa⁴-s⁷in² qui³si³c⁷a³tsen³-na¹ je² xi³ je² me³-le⁴, xi³ tji¹⁷ma³, jo³-s⁷in² nca³ cjoa⁴tsjoa³-le⁴ni³, jo³ qui³tso² je² cjoa⁴fa³⁷ai³tsjen³-le⁴ nca³ xa¹ c⁷oe⁴²nta³-ni³ xi³ to^{4t}a³ts⁷e⁴, 10 nca³ c⁷oe⁴²xco¹ nqui²ntia³ to^{4t}a³ts⁷e⁴ Cristo nca³yi³je³ tso³jmi² xi³ tjio¹ nc⁷a³jmi³ cao⁴ xi³ tjio¹ i⁴ son³⁷nte³, c⁷ia⁴ nca³ cjo¹⁴cho³ choa⁴-le⁴. 11 To⁴coi³ nca³ Cristo ti³yo³coa⁴², tsa³cja³⁷a¹j³in³-na¹, c⁷oa⁴ tsa³ca³sen¹-na¹ jo³-s⁷in² nca³ to⁴nqui³-ni³ qui³sco³son²-ni³le⁴ je² xi³ v⁷e¹nta³ nca³yi³je³ jo³-s⁷in² si¹cja³⁷ai³tsjen³, nca³ c⁷oa⁴-s⁷in² me³-le⁴. 12 Ni³na¹ tsa³cja³⁷a¹j³in³-na³j³in⁴ nca³ j³in⁴-j³in⁴ xi³ ti¹tjon² qui³cho³ya²cao⁴cjoai⁴-j³in⁴ t⁷a³ts⁷e⁴ Cristo, jme¹-ni³ nca³ coan⁴ ch⁷a⁴sje³nta³-si¹ni³j³in⁴ je² cjoa⁴je³ya³-le⁴. 13 C⁷oa⁴-ti⁴ jon² xi³ Cristo ti³yo³cao⁴³, je³qui³no²⁷ya²-lao⁴³ je² en¹ xi³ cjoa⁴qui²xi⁴, je² en¹ xi³ va³co¹-no³ jo³-s⁷in² vi²tjo⁴ntjao²³. Jon² xi³ je³coan³cjain¹-no³, je² Espíritu Santo xi³ qui³ni²s⁷e³nqui³-no³ tsa³ca³sen¹choa⁴-no³ nca³ ti³yo³cao⁴³ Cristo. 14 C⁷oa⁴-s⁷in² Ni³na¹ tsa³c⁷e¹jna³nqui³-na¹ je² Espíritu Santo xi³ t⁷a³ts⁷e⁴ cjoa⁴tjao²-na¹, sa³⁷nta³ ña³qui³ s⁷e⁴-na¹ xi³ tsan⁴², jme¹-ni³ nca³ ch⁷a⁴sje³nta³-si¹nia³² je² cjoa⁴je³ya³-le⁴.

Pablo v⁷e¹ts⁷oa³ nca³ nta³ scoe⁴ Ni³na¹

15 Coi³ cjoa⁴ nca³ an³ qui³nch⁷oe³ nca³ ma³cjain¹-no³ t⁷a³ts⁷e⁴ je² Nai³-na¹ Jesús, c⁷oa⁴ nca³ tjao²chao³ nca³ts⁷i³ cho⁴ta⁴-le⁴ Cristo, 16 li²coi³ si³cha³jian³ nca³ tsjoa³ cjoa⁴nta³ xi³ t⁷a³tsaon⁴³. C⁷oa⁴-ti⁴s⁷in² si³cja³⁷ai³tsjen³-no³ nca³ v⁷e³ts⁷oa²³. 17 C⁷oa⁴-s⁷in² v⁷e³ts⁷oa²³ nca³ Ni³na¹-le⁴ Nai³-na¹ Jesucristo, je²

N⁷ai³-na¹ xi³ ts⁷e⁴ cjoa⁴je³ya³, ca²ta³tsjoa¹j³in³ ni³ma⁴-no³ cjoa⁴chji⁴ne⁴, ca²ta³si¹i³sen³-no³ sa³nta³nta³ jchao⁴³ Ni³na¹. 18 C⁷oa⁴-s⁷in² si⁴²⁷i³sen³-le⁴ cjoa⁴fa³⁷ai³tsjen³-le⁴ ni⁴ma⁴-no³, jme¹-ni³nca³ jcha⁴-nio³ jña³-le⁴ xi³ cho³ya²-ni³lao⁴³ nca³qui³no²cjoa⁴-no³. Jcha⁴-nio¹³ jo³-s⁷in² nca³ n⁷ion¹tse³ cjoa⁴je³ya³ xi³ tj³in¹-le⁴ je² cjoa⁴tjao² xi³ s⁷e³-le⁴Ni³na¹, xi³ je² cho⁴ta⁴-le⁴ Cristo. 19 Jcha⁴-nio¹³ jo³-s⁷in² nca³ li² to⁴jo³ xi³ cji³ nc⁷a³ ti¹jna³ nca³n⁷ion¹-le⁴ xi³ t⁷a³tsan⁴² xi³ je³coan³cjain¹-na¹. Jcha⁴-nio¹³ jo³-s⁷in² n⁷ion¹ si¹xa¹cao⁴ nca³n⁷ion¹-le⁴ xi³ tse³tj³in¹-le⁴. 20 Cao⁴ je² nca³n⁷ion¹-le⁴ qui³si³xa¹j³in³-le⁴ Cristo nca³ qui³si³cja³⁷a¹ya³j³in³-ni³le⁴ c⁷en³, c⁷oa⁴nca³ qui³si³c⁷⁷e¹jna³t⁷a³ nca³qui²xi⁴-le⁴ ya⁴ nc⁷a³jmi³. 21 Nqui²sa⁴ to⁴nc⁷a³ qui³si³c⁷e¹jna³-le⁴ cao⁴-ni³ tsa²xi³ xa¹ti¹tjon² tj³in¹-le⁴, cao⁴ nca³ts⁷i³ cho⁴ta⁴xa¹, cao⁴ nca³ts⁷i³ xi³ tj³in¹-le⁴ nca³n⁷ion¹, cao⁴ nca³ts⁷i³xi³ tj³in¹-le⁴ cjoa⁴te¹xo³ma³, cao⁴ nca³ts⁷i³ jan³⁷ain¹xi³ i⁴son³⁷nte³ tj³in¹, a³li² tsa² to⁴je²-j³in² ni⁴čhjin³-vi⁴, jo³-sa³ tj³in¹ ni⁴čhjin³ xi³ s⁷a⁴ nčhoa¹-sa³. 22 Ni³na¹ c⁷oa⁴-s⁷in² qui³si³c⁷e¹yo³nqui³ ntso⁴co⁴ Cristo nca³yi³je³ to⁴jme³-ni³ve⁴. Ni³na¹ qui³si³c⁷e¹jna³ Cristo nca³jco⁴-le⁴ nca³yi³je³ cjoa⁴ xi³ t⁷a³ts⁷e⁴na⁴xi⁴na³nta¹-le⁴ Cristo. 23 Je² na⁴xi⁴na³nta¹-le⁴ Cristo jo³-ni³ tsa² yao³-le⁴ ma³, xi³ si¹jnc³ je² xi³ si¹jnc³ nca³yi³je³.

2

Vi²tjo⁴ntje² to⁴t⁷a³ts⁷e⁴ cjoa⁴nta³

1 Je² qui³si³c⁷e¹yo³con³-no³ nca³ jon² xi³ jo³-ni³ tsa² xi³ ti³yo³c⁷aon³ xi³ to⁴t⁷a³ts⁷e⁴ cjoa⁴ts⁷en⁴

cao⁴ je¹-no³. 2 Nca³s⁷a⁴ xi³ cja⁴⁷ai¹ ni⁴čhjin³ c⁷oa⁴-s⁷in² tsa³qui³ma³-jion³ je² cjoa⁴-ve⁴ jo³ cji³ma³chon³ son³⁷nte³, jo³-s⁷in² nca³ me³-le⁴ je² xi³ nca³jco⁴-le⁴ xi³ ya⁴ tjin¹-le⁴ nca³n⁷ion¹ jin³sen¹. Je² ni¹ xi³ nca³jco⁴-le⁴ nai⁴² xi³ nta³jjin³ xi³ nt⁷ai⁴-vi⁴ si¹xa¹jjin³ cho⁴ta⁴ xi³ xi¹jjin³. 3 C⁷oa⁴-ti⁴s⁷in² tsa³qui³yo³coai⁴-jin⁴ yao³-na⁴jjin⁴ nca³ts⁷i³⁴-jin⁴ nca³s⁷a⁴, jo³ tso² cjoa⁴tsjoa³-le⁴ yao³-na⁴jjin⁴. C⁷oa⁴qui³n⁷iain²⁴-jin⁴ to⁴jo³-s⁷in² coan³me³-le⁴ yao³-na⁴jjin⁴ cao⁴ cjoa⁴fa⁷ai³tsjen³-na⁴jjin⁴. To⁴xa¹ cjoan³ ni¹⁴jjin⁴ cho⁴ta⁴ xi³ s⁷e⁴-le⁴ cjoa⁴ñ⁷ain³, jo³-ni³ tsa² xi³c⁷a³. 4 To⁴nca³ Ni³na¹, nca⁴ c⁷oa⁴-s⁷in² to⁴tse³ cjoa⁴ma⁴ta³con² tjin¹-le⁴, cjai¹nca³ n⁷ion¹ coan³tsjoa³que³-na¹. 5 Nta³ tsa² ña¹ xi³ jo³-ni³ tsa² xi³ ti³yo³c⁷en³² xi³ to⁴t⁷a³ts⁷e⁴ cjoa⁴ts⁷en⁴-na¹, to⁴jnc³ cao⁴ Cristo qui³si³c⁷e¹yo³con³-na¹. To⁴t⁷a³ts⁷e⁴ cjoa⁴nta³-le⁴ ji²tjo⁴ntjai²-nio³. 6 To⁴jnc³ qui³si³cja³⁷a¹ya³-na¹, c⁷oa⁴-ti⁴s⁷in² qui³si³ca³tio²t⁷a³-na¹ ya⁴nc⁷a³jmi³ cao⁴ Cristo Jesús, 7 jme¹-ni³ nca³ je² ni⁴čhjin³ xi³ nčhoa¹-sa³ coa⁴co²-si¹ni³ je² cjoa⁴nta³-le⁴ xi³ li² to⁴jo³ xi³ cji³tse³, nca³ c⁷oa⁴-s⁷in² qui³s⁷e³-le⁴ cjoa⁴ma⁴ta³con² t⁷a³tsan⁴² nca³ ti³yo³coa⁴² Cristo Jesús. 8 To⁴t⁷a³ts⁷e⁴ cjoa⁴nta³ ji²tjo⁴ntjai²-nio³ nca³ ma³cjain¹-no³. A³li² je²-jin² xi³ tsaon⁴³ je²-vi⁴, nca⁴ cjoa⁴tjao² ni¹ xi³ Ni³na¹ tsjoa¹. 9 A³li² t⁷a³ts⁷e⁴ xa¹-jin², jme¹-ni³ nca³ ni⁴to⁴⁷ya³-jin² xi³ c⁷oa⁴sje³je³ya³-si¹ni³ yao³-le⁴. 10 Nca⁴ ña¹ nia¹ xa¹-le⁴ Ni³na¹. Ni³na¹ c⁷oa⁴-s⁷in² qui³si³nta³-na¹ nca³ ti³yo³coa⁴² Cristo Jesús, jme¹-ni³ nca³ nta³ si⁴xa¹-nia³² jña³-le⁴ xi³ Ni³na¹ to⁴nqui³-ni³ tsa³c⁷e¹nta³ nca³ c⁷oa⁴-s⁷in² coi⁴ma³coa⁴² cjoa⁴-vi⁴.

To⁴t²a³ts⁷e⁴ cro² qui³ni²cjao²nta³-nia³²

11 Xi³ coi³, jon² xi³ cho⁴ta⁴ xi³ li² judío-
jin² jo³ cjoan³ yao³-no³, cho⁴ta⁴ xi³ tsi² ts⁷e⁴
cjoa⁴circuncisión tsa³c⁷in²-no³. C⁷oa⁴qui³tso²-no³
je² cho⁴ta⁴ xi³ ts⁷e⁴ cjoa⁴circuncisión xi³ je² ntsja³
cho⁴ta⁴ si¹nta³-ni³ yao³-le⁴. 12 Ti⁴cja³ai³tsjen³jion³
jo³-s⁷in² nca³s⁷a⁴ li²jme³ xi³ qui³s⁷e³-no³ t⁷a³ts⁷e⁴
Cristo. T⁷a³xin² tsa³qui³yo³-lao⁴ na⁴xi⁴na³nta¹-
le⁴ Israel. Cho⁴ta⁴cja⁴ai¹ nio¹³ nca³ tsi² coan³-
no³ nte³ t⁷a³ts⁷e⁴ je² cjoa⁴ xi³ qui³s⁷e³n⁷ion¹ xi³
Ni³na¹ qui³si³s⁷e³nqui³. Li²jme³ xi³ qui³cho²ya³-lao⁴
nca³ tsa³qui³yo³t⁷a³xin²-lao⁴ Ni³na¹ i⁴ son³nte³-
vi⁴. 13 Nca⁴ ti³yo³cao⁴ Cristo jon² xi³ nca³s⁷a⁴
cjai¹nca³ cjin³ ti³yo³, nt⁷ai⁴-vi⁴ je³coan³chian³t⁷ao³
xi³ to⁴t⁷a³ts⁷e⁴ njin¹-le⁴ Cristo. 14 Ti⁴je²-ni³ xi³
qui³si³qui³njen³nch⁷an¹ cjoa⁴ t⁷a³tsan⁴. To⁴jnc³
qui³s⁷in³-na¹ nca³ joa³². Qui³si³qui³xo²ya³ čjao¹ xi³
jao²ya³ ma³-ni³na¹, xi³ coi³ cjoa⁴co²ntran⁴. 15 Cao⁴
yao³-le⁴ tsa³cja³a¹xin² je² cjoa⁴co²ntran⁴, c⁷oa⁴ je²
cjoa⁴te¹xo³ma³ xi³ v⁷e¹ne². Qui³si³nta³ya³cho⁴tse⁴
nca³ to⁴jnc³ coan³ nca³ jao² nca³ tjio¹cao⁴
Cristo. C⁷oa⁴-s⁷in² qui³si³qui³njen³nch⁷an¹j³-
le⁴. 16 To⁴t⁷a³ts⁷e⁴ cro² Cristo qui³si³cjao²nta³-ni³
Ni³na¹ cao⁴ xi³ jao²ya³ cho⁴ta⁴, nca³ to⁴jnc³ yao³
coan³ nca³ jao². Ti⁴ya⁴ t⁷a³cro² qui³si³cha³j³-
ni³ cjoa⁴co²ntran⁴. 17 Ja³ai³ Jesús, qui³nchja⁴ya³
cjoa⁴ xi³ nch⁷an¹ tj³in¹. Qui³nchja⁴ya³j³-no³ nca³
jon² xi³ cjin³ ti³yo³, c⁷oa⁴ cao⁴ je² xi³ čhian³ tjio¹.
18 To⁴t⁷a³ts⁷e⁴-ni¹ ña¹ nca³ joa³² tj³in¹-na¹ nte³ nca³
cjo³cho³chon³-le⁴ N⁷ai³-na¹ xi³ to⁴t⁷a³ts⁷e⁴ to⁴jnc³
Espíritu Santo. 19 A³li²coi³ ti⁴cho⁴ta⁴cja⁴ai¹-

nio³, ni⁴to⁴ti³ma³-jion²³. To⁴jnc³ na⁴xi⁴na³nta¹
v⁷a³cao⁴-no³ cao⁴ cho⁴ta⁴-le⁴ Cristo, c⁷oa⁴ xi²nqui⁴
mao³ cho⁴ta⁴-le⁴ Ni³na¹. 20 C⁷oa⁴-s⁷in² jon²
qui³s⁷e³yo³son²nc⁷ao³je²čhja¹ja⁴ma⁴xi³je²pa²stro⁴
cao⁴xi³qui³nchja⁴ya³t⁷a³ts⁷e⁴Ni³na¹. Je²lao⁴xi³
ti¹tjon²ti¹jna³ya⁴xi⁴nqui⁴-le⁴, ti⁴je²-ni³Jesucristo.
21 Jo³-s⁷in²cjio³⁷ncho²-le⁴xi¹ncjin¹xi⁴⁷nte⁴, c⁷oa⁴
tjio¹cjao²n⁷ion¹, c⁷oa⁴-s⁷in²ti¹mi³jnc³yo⁴nc⁴
xi³tsje³. C⁷oa⁴ti⁴s⁷in²ni³ti³yo³cjao³cao⁴³Nai³-na¹.
22 C⁷oa⁴-ti⁴jon², nca³ti³yo³cao⁴³Nai³-na¹, c⁷oa⁴-
ti⁴s⁷in²s⁷e⁴cjao³n⁷ion¹cao⁴xi²nquio⁴³,jme¹-ni³nca³
nt⁷ia³-le⁴Ni³na¹coan⁴-si¹nio³to⁴⁷a³ts⁷e⁴je²Espíritu
Santo.

3

*Je²xa¹xi³qui³s⁷e³ne²-le⁴Pabloxi³t⁷a³ts⁷e⁴cho⁴ta⁴
xi³li²judío-jin²*

1 Coi³cjoa⁴nca³an³Pablo,xi³cjoa⁴ñ⁷ain³ti²jna⁴
t⁷a³ts⁷e⁴Cristoxi³to⁴⁷a³tsaon⁴³jon²xi³cho⁴ta⁴
xi³li²judío-jion²³. 2 C⁷oa⁴-s⁷in²qui³no²⁷yao²³
nca³xa¹qui³s⁷e³ne²-na³nca³an³xi³t⁷a³ts⁷e⁴je²
cjoa⁴nta³-le⁴Ni³na¹xi³qui³ts⁷ai²-na³xi³t⁷a³tsaon⁴³,
3 jo³-s⁷in²nca³Ni³na¹t³ca³co¹son²tsen³-na³je²
cjoa⁴xi³tj¹⁷ma³,jo³-s⁷in²nca³je³qui³squia³-vi⁴
nca³to⁴choa³en¹qui³si³chjen¹³. 4 C⁷ia⁴nca³
c⁷oe¹xquiao⁴³je²-vi⁴,c⁷oa⁴²-s⁷in²jchao⁴³jo³-s⁷in²
ma³cho⁴ya³-na³t⁷a³ts⁷e⁴je²cjoa⁴⁷ma³xi³t⁷a³ts⁷e⁴
Cristo. 5 Je²xi³cja⁴⁷ai¹ni⁴čhjin³Ni³na¹li²coi³
t³ca³co¹-le⁴ni⁴jnc³-jin²cho⁴ta⁴son³⁷nteje²
cjoa⁴⁷ma³,jo³-s⁷in²nt⁷ai⁴-vi⁴xi³to⁴⁷a³ts⁷e⁴je²
Espíritu Santo t³ca³co¹son²tsen³-le⁴je²pa²stro⁴-le⁴

xi³ tsje³ cao⁴ je² xi³ qui³nchja⁴ya³ t'a³ts'e⁴. 6 Coi³ xi³ cjoa⁴7ma³-vi⁴: Je² cho⁴ta⁴ xi³ li² judío-jin² c'oa⁴-s'in² to⁴jnco³ s'e³-le⁴ je² cjoa⁴tjao² je²-vi⁴, c'oa⁴ to⁴jnco³ yao³-le⁴ xi¹ncjin¹. To⁴jnco³ qui³ni²s'e³nqui³-le⁴ nca³ tjio¹cao⁴ Cristo xi³ to⁴t'a³ts'e⁴ je² en¹nta³ t'a³ts'e⁴ Cristo. 7 Qui³ts'ai²-na³ nca³ si³xa¹³-le⁴ xi³ coi³ en¹nta³ t'a³ts'e⁴ Cristo, jo³-s'in² Ni³na¹ qui³tsjoa³cjoa⁴tjao²-na³ cjoa⁴nta³-le⁴ nca³ si¹xa¹ je² nca³n'ion¹-le⁴. 8 Je² xi³ nqui²sa⁴-sa³ na³nqui³ tjio¹ xi³ cho⁴ta⁴-le⁴ Cristo, an³ xi³ nqui²sa⁴-sa³ n'ion¹ na³nqui³ ti²jna⁴-le⁴. An³ tsa³c'ai²-na³ cjoa⁴nta³-vi⁴ nca³ c'oa⁴-s'in² coi³nchja²ya³j'in³-le⁴ cho⁴ta⁴ xi³ li² judío-jin² je² en¹nta³ t'a³ts'e⁴ je² cjoa⁴nta³ xi³ tj'in¹-le⁴ Cristo xi³ li²coi³ coan⁴ jcha⁴yi³je³. 9 An³ si³i³sen³-le⁴ nca³ts'i³ jo³-s'in² nca³ Ni³na¹ xa¹ tsa³c'e¹nta³-ni³ xi³ c'oa⁴-s'in² tsa³c'e¹jna³7ma³ jo³ sa³nta³ to²ts'in³-le⁴ cjoa⁴. Ni³na¹ tsa³c'e¹nta³ nca³yi³je³ xi³ tj'in¹ son³7nte³. 10 C'oa⁴ coan³ jme¹-ni³ nca³ je² na⁴xi⁴na³nta¹-le⁴ Cristo coa⁴co²ya³-si¹ni³le⁴ nt'ai⁴-vi⁴ je² xi³ tj'in¹-le⁴ xa¹ti¹tjon² cao⁴ xi³ tj'in¹-le⁴ nca³n'ion¹ ya⁴ nc'a³jmi³. Cao⁴co²ya³-le⁴ je² cjoa⁴i³sen³ta³con²-le⁴ Ni³na¹ xi³ cjai¹ ncjin² jco⁴ya³ tj'in¹. 11 C'oa⁴-s'in² tj'in¹nta³ cjoa⁴fa³ai³tsjen³-le⁴ Ni³na¹ nca³ntsjai², nca³ c'oa⁴-s'in² tsa³c'e¹nta³ xi³ to⁴t'a³ts'e⁴ Cristo Jesús Nai³-na¹. 12 C'ia⁴ nca³ ti³yo³coa⁴² Cristo cjai¹nca³ nta³ n'ion¹-ta³coan³², c'oa⁴ coan⁴ coi⁴tja¹s'en³² nca³ li²jme³ xi³ xcon¹ coan⁴-na¹, nca⁴ ma³cjain¹-na¹ t'a³ts'e⁴ nca³ je². 13 Coi³ cjoa⁴ nca³ si³je¹³-no³, a³li² ni²i³nta³-jion² ni⁴ma⁴-no³ xi³ to⁴t'a³ts'e⁴ jña³-le⁴ cjoa⁴ñ'ain³ xi³ an³ ti²fa²a⁴toa³ xi³ t'a³tsaon⁴³. Je² cjoa⁴ñ'ain³-na⁴

xi³ c⁷oa⁴sje³je³ya³-no³.

*Pablo v²e¹ts⁷oa³ nca³ n⁷ion¹ coa⁴tio⁴cao⁴
cjoa⁴tjao²cha³*

14 Coi³ cjoa⁴ va²sen⁴xco¹nch⁷in³t⁷a³-le⁴ nca³ v⁷e³ts⁷oa²³-le⁴ N⁷ai³-le⁴ je² Nai³-na¹ Jesucristo. 15 Xi³ to⁴t⁷a³ts⁷e⁴ N⁷ai³-na¹ nca³ts⁷i³ xi¹ncjin¹ ma³ ya⁴ nc⁷a³jmi³ cao⁴ i⁴ son³⁷nte³. 16 C⁷oa⁴-s⁷in² to⁴t⁷a³ts⁷e⁴ je² Espíritu Santo-le⁴ ca²ta³tsjoa¹j³ni⁴ma⁴-no³ xi³ tse³ nca³n⁷ion¹, jo³-s⁷in² nca³ n⁷ion¹ tse³ cjoa⁴je³ya³-le⁴. 17 Nta³ ca²ta³v⁷e²jna³j³ni⁴ma⁴-no³ Cristo nca³ ma³cjain¹-no³. V⁷e³ts⁷oa²³ nca³ n⁷ion¹ coi⁴yo³cao⁴³ nca³ n⁷ion¹t⁷a³ coaon⁴³ cjoa⁴tjao²cha³, 18 jme¹-ni³ nca³ c⁷oa⁴-s⁷in² s⁷e⁴-si¹ni³no³ nca³n⁷ion¹ nca³ ña³qui³ nta³ coan⁴cho⁴ya³-si¹ni³no³ cao⁴ nca³ts⁷i³ cho⁴ta⁴-le⁴ Cristo jo³ cji³ cjoa⁴tjao²cha³-le⁴ Cristo, jo³ cji³ te³ya³, jo³ cji³ nto³, jo³ cji³ na⁴nca⁴, jo³ cji³ nc⁷a³. 19 C⁷oa⁴-s⁷in² jcha⁴-nio¹³ je² cjoa⁴tjao²cha³-le⁴ Cristo, xi³ ña³qui³ fa³⁷a³ti¹tjon²-le⁴ nca³yi³je³ cjoa⁴fa³⁷ai³tsjen³, jme¹-ni³ nca³ jtse¹j³ni³-si¹ni³no³ nca³yi³je³ xi³ ts⁷e⁴ Ni³na¹. 20 Ni³na¹ nqui²sa⁴ to⁴tse³ ma³-le⁴ s⁷in¹ nca³yi³je³ cjoa⁴ jo³ cji³ xi³ ni²je¹, jo³-s⁷in² fa³⁷ai³tsjen³-na¹, to⁴t⁷a³ts⁷e⁴ je² nca³n⁷ion¹ xi³ si¹xa¹j³ni³-na¹. 21 Je² ca²ta³vi³tjo³je³ya³ ya⁴j³ni³-le⁴ na⁴xi⁴na³nta¹-le⁴ Cristo xi³ to⁴t⁷a³ts⁷e⁴ Cristo Jesús, to⁴jo³ tjin¹ ni⁴chjin³ nca³ntsjai² nca³ntsjai². C⁷oa⁴ ca²ta³ma³.

4

Je² Espíritu Santo v²e¹cjao²-na¹

1 An³ xi³ ti²jna⁴ cjoa⁴ñ⁷ain³ xi³ ti²jna⁴coa⁴ je² Nai³-na¹, v⁷e³ts⁷oa²³-no³ nca³ coi⁴mao³ jo³-s⁷in²

ma³chjen¹ je² xa¹ xi³ qui³no²cjoa⁴-no³, ² cao⁴
 cjoa⁴yo⁴ma⁴ cja³ta³con²³, cao⁴ cjoa⁴nt²e¹, cao⁴
 cjoa⁴tse³ta³con², Ti⁴cjain¹-lao⁴³ xi³nquio⁴³ nca³
 tjao²chao³. ³ Ti⁴xi¹ti¹ya³-lao⁴³ yao³-no³ nca³
 to⁴jnc³ ti⁴yo³cja³ nca³ nch⁷an¹ ti³yo³, nca³
 je² Espíritu Santo tsa³c⁷e¹cjao³-no³. ⁴ Jnc³
 yao³ tjin¹. Jnc³ Espíritu Santo tjin¹, jo³-
 s⁷in² nca³ c⁷oa⁴-ti⁴ qui³no²cjoa⁴-no³ xi³ t⁷a³ts⁷e⁴
 jnc³ cjoa⁴cho³ya²cao⁴cjoa⁴ xi³ qui³s⁷e³-no³ nca³
 qui³no²cjoa⁴-no³. ⁵ Jnc³ Nai³-na¹ tjin¹, jnc³ jo³-
 s⁷in² nca³ ma³cjain¹-na¹, jnc³ cjoa⁴sa³te²nta¹,
⁶ jnc³ Ni³na¹, c⁷oa⁴ N⁷ai³-le⁴ nca³ts⁷i³, je² xi³
 ti¹jna³ti¹tjon²-le⁴ nca³ts⁷i³, xi³ ti¹jna³cao⁴ nca³ts⁷i³,
 xi³ ti¹jna³j³ni⁴ma⁴-le⁴ nca³ts⁷i³. ⁷ To⁴nca³ nca³
 jnc³o¹jnc³o¹ tsa³c⁷ai²-na¹ cjoa⁴nta³ jo³-s⁷in² choa⁴-
 le⁴ Cristo xi³ tsjoa¹cjoa⁴tjao²-na¹. ⁸ Je² Ni³na¹
 c⁷oi⁴qui³tso²: Ncjin² ma³-ni³ xi³ tjio¹t⁷a³n⁷ion¹ xi³
 qui³cao⁴ c⁷ia⁴ nca³ qui³mi³nc⁷a³, c⁷oa⁴ qui³tsjoa³-le⁴
 cjoa⁴tjao² cho⁴ta⁴son³nte³. ⁹ Xi³ qui³mi³nc⁷a³,
 jo¹ tso²-ni³le⁴ tsa² tsi² ji³tjo³jen³ ya⁴ nte³ xi³
 nqui²sa⁴ na³nqui³ xi³ ts⁷e⁴ son³nte³. ¹⁰ Je² xi³
 ji³tjo³jen³, ti⁴je²-ni³ xi³ ja³a³to³-sa³le⁴ nc⁷a³jmi³
 nca³ qui³mi³nc⁷a³, jme¹-ni³ nca³ c⁷oa⁴-s⁷in²
 si⁴²jnc³si¹ni³-le⁴ nca³yi³je³ cjoa⁴. ¹¹ Ti⁴je²-ni³
 xi³ qui³tsjoa³-le⁴ c⁷a³ nca³ pa²stro⁴ ma³, c⁷oa⁴
 xi³c⁷a³ nca³ v⁷e¹ma³ nchja⁴ya³, c⁷oa⁴ xi³c⁷a³ nca³
 v⁷e¹ma³son² nca³ tso²ya³ t⁷a³ts⁷e⁴ Ni³na¹, c⁷oa⁴
 xi³c⁷a³ nca³ pastor ma³, c⁷oa⁴ nca³ maestro
 ma³. ¹² C⁷oa⁴-s⁷in² coan³ jme¹-ni³ nca³ cho⁴ta⁴-
 le⁴ Cristo nta³ coa⁴tio⁴-si¹ni³ t⁷a³ts⁷e⁴ xa¹-le⁴
 nca³ si⁴²xa¹-le⁴ Ni³na¹. C⁷oa⁴-s⁷in² je² yao³-le⁴

Cristo coin⁴nc²a³. 13 Sa³⁷nta³ nca³ cjo³ichoa³² nca³ to⁴jnc³ coan⁴-nia¹ nca³ts⁷ia³² jo³-s⁷in² coan⁴cjain¹-na¹, jo³-s⁷in² jcha⁴xcoan³² je² ?nti¹-le⁴ Ni³na¹, nca³ cjoe⁴ coan⁴nca³-na¹ jo³-ni³ tsa² jnc³ cho⁴ta⁴jchi¹nca³, jo³ sa³⁷nta³ cjo³ichoa³² choa⁴ nca³ c⁷oa⁴ coan⁴ cjoan³² jo³ cjoan³ Cristo. 14 A³li² ti⁴c⁷oa⁴ s⁷ian⁴²-nia³ jo³-ni³ tsa² ?nti¹x³ xi³ si¹c⁷o¹fa³ya³ cjoa⁴fa³⁷ai³tsjen³-le⁴, xi³ jo³-ni³ tsa² ntjao⁴ xi³ tjen⁴ nca³ i⁴ nca³ jan¹, xi³ to⁴fi²tjen⁴nqui³-le⁴ xi³ to⁴cja⁴⁷ai¹ cjoa⁴fa³⁷ai³tsjen³, xi³ to⁴cjoa⁴ma²ña⁴-le⁴ cho⁴ta⁴son³⁷n³te³, xi³ v⁷a³na⁴cha⁴ cao⁴ je² xi³ tsi² tsa² coi³ nta³ tjin¹, xi³ fi²cao⁴ t⁷a³xin² jña³-le⁴ xi³ cjoa⁴qui²xi⁴. 15 To⁴sa³ cjo³in³tjen⁴nqui³-le⁴ xi³ cjoa⁴qui²xi⁴ cao⁴ cjoa⁴tjao²cha³. C⁷oa⁴-s⁷in² ca²ta³ma³jcha¹j³in³-na¹ nca³yi³je³ cjoa⁴ xi³ t⁷a³ts⁷e⁴ nca³ je² xi³ jcoa³² ma³, xi³ je² Cristo. 16 Xi³ to⁴t⁷a³ts⁷e⁴ Cristo nca³yi³je³ yao³-le⁴ c⁷oa⁴-s⁷in² ma³y⁷ai³ ma³nc⁷a³ cao⁴ cjoa⁴tjao²cha³, nca³ je³nta³ tjio¹cjao³ nca³qui³jnta² jña³ nca³ xco¹-le⁴. C⁷oa⁴-s⁷in² tjin¹-le⁴ nca³n⁷ion¹ jo³-s⁷in² nca³ nta³ si¹xa¹ jnc¹jnc¹ c⁷a³ xi³ ts⁷e⁴ yao³-le⁴.

Cristo si¹cho⁴tse⁴ya³-na¹

17 Je²-vi⁴ xi³ c⁷oa⁴xian³, c⁷oa⁴ v⁷e³ne²³ t⁷a³ts⁷e⁴ Nai³-na¹, nca³ tsi² tsa² ti⁴coi⁴ma³-nio³ jo³-ni³ xi³c⁷a³ cho⁴ta⁴ xi³ li² judío-jin², xi³ tjio¹ma³cao⁴ cjoa⁴fa³⁷ai³tsjen³-le⁴ xi³ tsi²jme³ chji¹-le⁴. 18 To⁴njion² tjio¹ cjoa⁴fa³⁷ai³tsjen³-le⁴. Cjai¹nca³ to⁴t⁷a³xin² tjio¹-le⁴ cjoa⁴vi³jna³chon³-le⁴ Ni³na¹ nca⁴ c⁷oa⁴-s⁷in² to⁴cjoa⁴njion² tjin¹-le⁴, c⁷oa⁴

nca⁴ cjai¹nca³ xi¹jⁱⁿ³ ni⁴ma⁴-le⁴. 19 Coan³scan³-ni³ nca³ je³qui³si³cha³jⁱⁿ³ cjoa⁴fa³⁷ai³tsjen³nta³-le⁴, to⁴c⁷oa⁴-s⁷in² qui³sca³ni¹taon³ yao³-le⁴ nca³ to⁴cho⁴ta⁴cjoa⁴soa³ coan³. To⁴t⁷a³ts⁷e⁴ cjoa⁴xin²ta³con²-le⁴ c⁷oa⁴qui³s⁷in³ jo³ tjⁱⁿ¹ jco⁴ya³ cjoa⁴j^{nti}¹. 20 To⁴nca³ li²coi³ c⁷oa⁴-s⁷in² qui³cho²t⁷a³yao³ t⁷a³ts⁷e⁴ Cristo. 21 A³ tsi² tsa³ cjoa⁴qui²xi⁴ nca³ qui³no²⁷yao²³ t⁷a³ts⁷e⁴ Cristo, nca³ tsa³qui³yo³cao⁴³ nca³ qui³cho²t⁷a³yao³ jo³-s⁷in² nca³ cjoa⁴qui²xi⁴ xi³ tjⁱⁿ¹ t⁷a³ts⁷e⁴ Cristo. 22 Chja⁴⁷a²xin²-lao⁴³ yao³-no³ je² ni⁴ma⁴-no³ xi³ jchi¹nca³ xi³ cjai¹nca³ to⁴coan³nca³-le⁴ cjoa⁴ xi³ ch⁷ao³ tjⁱⁿ¹ jo³ tso² cjoa⁴tsjoa³-le⁴ yao³-no³ xi³ to⁴v⁷a³na⁴cha⁴, jo³-s⁷in² tsa³nquin¹cao⁴³ yao³-no³ nca³s⁷a⁴. 23 C⁷oa⁴-s⁷in² ca²ta³ma³cho⁴tse⁴ya³ jo³ tjⁱⁿ¹ cjoa⁴fa³⁷ai³tsjen³-no³. 24 Chjoao¹³ je² ni⁴ma⁴-no³ xi³ cho⁴tse⁴, xi³ nco³ya³-le⁴ Ni³na¹ qui³s⁷e³nta³-ni³ cao⁴ xi³ tjⁱⁿ¹-le⁴ cjoa⁴qui²xi⁴ c⁷oa⁴ cao⁴ xi³ ña³qui³ tsje³. 25 Coi³ nca³ qui³chja³⁷a²xion²³ cjoa⁴nti³so³, cho⁴va²cao⁴³ xi²nquio⁴³ xi³ cjoa⁴qui²xi, nca³ to⁴j^{nc}³ tji¹cjao³ yao³-na¹ nca³ts⁷ia³². 26 Nta³ tsa² ma³jti³-no³, a³li² je¹-jⁱⁿ² vi³j^{nc}³. A³li² jti³-jⁱⁿ² ma³-no³ jo³ sa³⁷nta³ nca³ ca²ntjai² ts⁷oi¹. 27 Ni⁴ v⁷ai²⁷nte³-jⁱⁿ²lao⁴³ nai⁴². 28 Je² xi³ qui³si³che¹, a³li² ti⁴si¹che¹-jⁱⁿ²ni³. To⁴sa³ ca²ta³si¹xa¹, c⁷oa⁴-s⁷in² ca²ta³si¹xa¹-ni³ ntsja³ xi³ nta³ tjⁱⁿ¹, jme¹-ni³ nca³ s⁷e⁴-si¹ni³le⁴ xi³ tsjoa¹-le⁴ xi³ tsi²jme³ tjⁱⁿ¹-le⁴. 29 Ni⁴to⁴j^{nc}³-jⁱⁿ² en¹ xi³ ch⁷ao³ tso² n⁷o¹sje³-nio³ ntso⁴⁷vao³, to⁴je² en¹ xi³ nta³ tjⁱⁿ¹ xi³ coi⁴ncha³cao⁴, xi³ ma³chjen¹-le⁴, jme¹-ni³ nca³ c⁷oa⁴-s⁷in² tsjoa¹-si¹ni³le⁴ cjoa⁴nta³ je² xi³ nch⁷oe¹. 30 A³li² c⁷oa⁴-jⁱⁿ²s⁷in² ni²va³-jⁱⁿ²lao⁴³ je²

Espíritu Santo xi³ ts⁷e⁴ Ni³na¹, xi³ tsa³ca³sen¹choa⁴-no³ t⁷a³ts⁷e⁴ c⁷ia⁴ ni⁴chjin³ nca³ coan⁴chji¹ntjao²³.
 31 Nca³yi³je³ cjoa⁴jnčha³, cjoa⁴jti³, cjoa⁴jti³cha³, xi³ n⁷ion¹ nchja⁴ti³, cao⁴xi³ nchja⁴⁷aon³, ca²ta³tjo³xin²-no³, cao⁴ nca³yi³je³ cjoa⁴ts⁷en⁴. 32 To⁴sa³ nta³ti⁴cao⁴³ xi²nquio⁴³. Ca²ta³s⁷e³-no³ cjoa⁴ma⁴ta³con². Ti⁴cha³t⁷a³-lao⁴³ xi²nquio⁴³, jo³-s⁷in² nca³ Ni³na¹ qui³si³cha³t⁷a³-no³ nca³ ti³yo³cao⁴³ Cristo.

5

Coi⁴ma³² jo³-ni³ tsa² ʔnti¹-le⁴ Ni³na¹ xi³ i³sen³-le⁴

1 Chjen²nqui³-lao⁴³ Ni³na¹, jo³-ni³ tsa² ʔnti¹ xi³ cjai¹nca³ tjao²cha³. 2 Cao⁴ cjoa⁴tjao²cha³ ti⁴ma³cao⁴³ xi²nquio⁴³, jo³-s⁷in² Cristo coan³tsjoa³que³-na¹, qui³tsjoa³ntjai²-na¹ yao³-le⁴, jo³-ni³ jnco³ cjoa⁴tjao², c⁷oa⁴ jo³-ni³ xi³ qui³ts⁷ai²ntjai²-na¹ xi³ na³sca¹ njen⁴ nqui³xcon⁴ Ni³na¹. 3 A³li² ni²c⁷a³xqui⁴jjin³-jion²³ xi²nquio⁴³ ni⁴⁷i⁴tse¹-jin² cjoa⁴cha³jnqui³, ni⁴ nca³yi³je³ xi³ n⁷ion¹ ch⁷ao³ tjjin¹, ni⁴ cjoa⁴xin²ta³con²-jin². Je² cjoa⁴-vi⁴ li²coi³ ntia⁴² squen¹-le⁴ cho⁴ta⁴-le⁴ Cristo. 4 Ni⁴ je²-jin² en¹ts⁷en⁴ no²cjoao⁴³, ni⁴ en¹chi⁴con¹-jin², ni⁴ en¹ntsjen¹⁷a³-jin², xi³ tsi² tsa² va³quin²-no³, to⁴sa³ t⁷ao²³ cjoa⁴nta³. 5 Je³⁷yao³ je²-vi⁴, nca³ ni⁴jnco³-jin² cho⁴ta⁴cha³jnqui³, ni⁴jnco³-jin² xi³ cjoa⁴jnti¹ tjio¹ma³s⁷in¹, ni⁴jnco³-jin² xi³ xin²con³, xi³ ma³nco¹son² xi³ xco¹son² ve³xcon¹, ni⁴jnco³-jin² tjjin¹-le⁴ ʔnte³ ya⁴ cjoa⁴te¹xo³ma³-le⁴ Cristo cao⁴ Ni³na¹. 6 Ni⁴to⁴⁷ya³-jin² xi³ ca²ta³v⁷a³na⁴cha⁴-no³ cao⁴ xi³ to⁴xquia⁴ en¹. Xi³ to⁴coi³ cjoa⁴-vi⁴ nchoa¹ne²-le⁴ cjoa⁴jti³-le⁴ Ni³na¹ je² cho⁴ta⁴ xi³

xi¹jin³. 7 A³li² ya⁴-jin² ña³tjen⁴ mai¹cao⁴³ nca³ je². 8 Nca³s⁷a⁴ njion² nio¹³, to⁴nca³ nt⁷ai⁴-vi⁴ntai⁴ je³i³saon³ nca³ ti³yo³cao⁴³ je² Nai³-na¹. Ti⁴mao³ jo³-ni³ tsa² ʔnti¹-le⁴ xi³ i³sen³-le⁴. 9 (Je² Espiritu Santo tsjoa¹ntje⁴jin³ ni⁴ma⁴-na¹ je² xi³ cjoa⁴nta³, xi³ tjin¹-le⁴ cjoa⁴qui²xi⁴, c⁷oa⁴ je² xi³ ña³qui³ c⁷oa⁴tjin¹.) 10 Cho¹t⁷ao³ je² xi³ sa³sen¹con³ Nai³-na¹. 11 A³li² c⁷oa⁴-jin²s⁷in² n⁷iaon²³ je² xa¹ xi³ tsi² coan⁴ntje⁴-no³, xi³ to⁴ts⁷e⁴ cjoa⁴njon², to⁴sa³ ta⁴co²son²tsaon⁴³. 12 Cjai¹nca³ to⁴ch⁷ao³ tjin¹, nta³ tsa² to⁴coi⁴no²cjoao⁴³ xi³ t⁷a³ts⁷e⁴ je² xi³ to⁴cjoa⁴⁷ma³ s⁷in¹. 13 Nca³yi³je³ je² cjoa⁴ xi³ va³tio²son²tsen³, c⁷oa⁴-s⁷in² sa³tio²son²tsen³ cao⁴ l⁷i¹. Je² nca³yi³je³ xi³ c⁷oa⁴-s⁷in² va³tio²son²tsen³, i³sen³ jo³-ni³ tsa² l⁷i¹. 14 Xi³ coi³ c⁷oi⁴tso²: Ti⁴cja³⁷a¹-lai⁴ yao³-li⁴, ji³ xi³ ti³so³jna³fai³. Ti²so⁴tjen⁴jin³-lai⁴ c⁷en³, c⁷oa⁴-s⁷in² si⁴²⁷i³sen³-li² Cristo. 15 Cho¹tsaon³, tso²c⁷oa⁴, nca³ qui²xi⁴ ti⁴mao³, a³li² jo³-ni³ cho⁴ta⁴ xi³ tsin²-le⁴ cjoa⁴fa³⁷ai³tsjen³-jin², to⁴nca³ jo³-ni³ cho⁴ta⁴ xi³ tjin¹-le⁴ cjoa⁴fa³⁷ai³tsjen³. 16 A³li² ni⁴chjin³-jin² ni²cha³-lao⁴³ yao³-no³, nca³ je² ni⁴chjin³ cjai¹nca³ to⁴ch⁷ao³ chon³. 17 Xi³ coi³, a³li² chi⁴con¹-jin² mao³, to⁴nca³ ca²ta³ma³cho⁴ya³-no³ jo³-s⁷in² nca³ me³-le⁴ Nai³-na¹. 18 A³li² yao³-no³jin² ni²ch⁷i⁴-nio³ vino, nca³ c⁷oa⁴-s⁷in² si¹qui³xo²ya³-ni³ cjoa⁴, to⁴nca³ ca²ta³tse³jin³ ni⁴ma⁴-no³ je² Espiritu Santo. 19 Chja⁴cao⁴³ xi²nquio⁴³ je² en¹-le⁴ Ni³na¹ xi³ coi⁴jntao¹³, ti⁴jnta¹-lao⁴³ je² xi³ v⁷a³sje³je³ya³ Ni³na¹, ti⁴jntao¹³ ja⁴jin³ ni⁴ma⁴-no³. Ti⁴jnta¹-lao⁴³, c⁷oa⁴ ch⁷a⁴sje³je³yao³ je² Nai³-na¹ ja⁴jin³ ni⁴ma⁴-no³. 20 Nca³ntsjai² nca³yi³je³ t⁷ai²-lao⁴³ cjoa⁴nta³

Ni³na¹ N⁷ai³-na¹ xi³ to⁴t⁷a³ts⁷e⁴ jan³⁷ain¹-le⁴ Nai³-na¹ Jesucristo.

Na³nqui³ coi⁴yo³-le⁴² xi²nquia⁴²

21 Na³nqui³ ti⁴yo³-lao⁴³ xi²nquio⁴³ nca³ jcon³ chao³ Ni³na¹. 22 Je² ya¹nchjin¹ na³nqui³ ca²ta³va³tio²-le⁴ x⁷in⁴-le⁴, jo³-s⁷in² nca³ na³nqui³ tjio¹-le⁴ Nai³-na¹. 23 Je² x⁷in⁴-ve⁴ nca³jco⁴-le⁴ chjon⁴²-le⁴, jo³-s⁷in² nca³ Cristo nca³jco⁴-le⁴ na⁴xi⁴na³nta¹-le⁴. Je² xi³ v⁷a³sje³ntjai² na⁴xi⁴na³nta¹-le⁴ xi³ ti⁴je²-ni³ yao³-le⁴. 24 Jo³-s⁷in² nca³ je² na⁴xi⁴na³nta¹-le⁴ Cristo na³nqui³ tjio¹-le⁴ Cristo, c⁷oa⁴-ti⁴s⁷in²ni³ nca³ je² ya¹nchjin¹ na³nqui³ tjio¹-le⁴ x⁷in⁴-le⁴ nca³yi³je³. 25 Jon² xi³ x⁷ion⁴³, tsjoa³cha³ ca²ta³mao³ ya¹nchjin¹-no³, jo³-s⁷in² nca³ Cristo coan³tsjoa³que³ na⁴xi⁴na³nta¹-le⁴, c⁷oa⁴ qui³tsjoa³ntjai² yao³-le⁴ xi³ t⁷a³ts⁷e⁴, 26 jme¹-ni³ nca³ c⁷oa⁴-s⁷in² Cristo tsa³c⁷e¹jna³tjao²-si¹ni³ c⁷oa⁴ qui³si³tsje³-si¹ni³ na⁴xi⁴na³nta¹-le⁴, jo³-ni³ tsa²cao⁴ na³nta¹ xi³ to⁴t⁷a³ts⁷e⁴ en¹-le⁴, 27 jme¹-ni³ nca³ ti⁴je²-ni³ si⁴²ca³sen¹ va³sen³-si¹ni³le⁴ yao³-le⁴ jnco³ na⁴xi⁴na³nta¹ xi³ ts⁷e⁴ xi³ cjai¹nca³ to⁴je³ya³, xi³ tsi² tsa² coi³ je² tjin¹-le⁴, xi³ tsi² tsa² yo¹ cjoan³, ni⁴to⁴c⁷oa⁴cjoan³ c⁷oa⁴ma³-jin², jme¹-ni³ nca³ to⁴ña³qui³ tsje³ coan⁴-si¹ni³ nca³ tsi²jme³ je¹ s⁷e⁴-le⁴. 28 C⁷oa⁴-ti⁴s⁷in² xi³ x⁷in⁴ tsjoa³que³ ca²ta³ma³ ya¹nchjin¹-le⁴, jo³-ni³ tsa² ti⁴ts⁷e⁴-ni³ yao³. Je² xi³ tsjoa³que³ chjon⁴²-le⁴, ti⁴je²-ni³ yao³-le⁴ xi³ tsjoa³que³. 29 Ni⁴jnco³-jin² xi³ ti⁴je² taon³ ve³-ni³ yao³-le⁴. To⁴c⁷oa⁴s⁷in² si¹jcha¹, c⁷oa⁴ tjao²-le⁴, jo³-ni³ tsa² Cristo si¹jcha¹, c⁷oa⁴ tjao²-le⁴ na⁴xi⁴na³nta¹-le⁴.

30 Nca³ ña¹ tjio¹cjao³-nia¹ yao³-le⁴ cao⁴ ni³nta³-le⁴. 31 Coi³ cjoa⁴-vi⁴ nca³ je² xi³ x'in⁴ si¹ca³tio¹-ni³ n'ai³-le⁴ cao⁴ na⁴-le⁴, nca³ nta³ ti¹jna³cao⁴ chjon⁴²-le⁴. To⁴jnc³ yao³ ma³ nca³ jao². 32 Je²-vi⁴ jnc³ cjoa⁴ma³ xi³ cjai¹nca³ tse³ya³, to⁴nca³ an³ c'oa⁴²xian³ xi³ t'a³ts'e⁴ Cristo, c'oa⁴ t'a³ts'e⁴ na⁴xi⁴na³nta¹-le⁴. 33 Jnc¹jnc¹ nca³ts'io³-vi⁴ ña³qui³ c'oa⁴-s'in² tsjoa³cha³ ca²ta³mao³ ya¹nchjin¹-no³, jo³-s'in² tsjoa³chao³ yao³-no³. Je² xi³ chjon⁴² xcon¹ ca²ta³ve³ x'in⁴-le⁴.

6

1 Jon² xi³ ?nti¹xtio³, ti⁴tjo³-son²-lao⁴³ xi³jcha¹-no³ nca³ ti³yo³cao⁴³ Nai³-na¹. Je²-vi⁴ xi³ nta³ tjin¹. 2 Jcha⁴xcoin¹³ n'ai³-li⁴ cao⁴ na⁴-li⁴, nca³ je² xi³ ti¹tjon² cjoa⁴te¹xo³ma³ xi³ tjin¹-le⁴ xi³ si¹s'e³nqui³, 3 jme¹-ni³ nca³ nta³ coi⁴jna³-si¹ni³, c'oa⁴ tse³ coan⁴-si¹ni³li² i⁴ son³⁷n³te³. 4 Jon² xi³ n'ai³ mao³, a³li² ni²jti³-jin²lao⁴³ xti³-no³. To⁴c'oa⁴-s'in² ti⁴jchao¹³ nca³ sin³ nca³ nta³ coa⁴co²-lao⁴³ coa⁴co²ya³nta³-lao⁴³ cjoa⁴ xi³ tso²ya³ Ni³na¹. 5 Jon² xi³ cho⁴²nta³ mao³, ti⁴tjo³son²-lao⁴³ nai³-no³ xi³ cho⁴ta⁴son³⁷n³te³ cao⁴ cjoa⁴jcon³-no³ cao⁴ cjoa⁴fa³tse¹-no³, nca³ ña³qui³ nta³ tjin¹ ni⁴ma⁴-no³, jo³-ni³ tsa² Cristo ni²xa¹-lao⁴³. 6 A³li² c'oa⁴-jin²s'in² ni²xao¹³ nqui³xcon⁴ cho⁴ta⁴, jo³-s'in² xi³ to⁴xquia⁴ si¹tsjoa³-le⁴ cho⁴ta⁴, to⁴nca³ jo³-ni³ tsa² cho⁴²nta³-le⁴ Cristo, to⁴cao⁴ cjoa⁴tsjoa³ c'oa⁴t'iaon⁴³ jo³-s'in² me³-le⁴ Ni³na¹. 7 To⁴cao⁴ cjoa⁴nta³ ti⁴xao¹³, jo³-ni³ tsa² t'a³ts'e⁴ Nai³-na¹ Cristo, a³li²coi³ t'a³ts'e⁴ cho⁴ta⁴-jin². 8 Nta³ yao³ nca³ jnc¹jnc¹ nca³ je² Nai³-na¹ tsjoa¹-nca¹nca³no³ je²-vi⁴ jme³-ve⁴ xi³ nta³

s²iaon⁴³, tsa² cho⁴⁷nta³ c⁷oa⁴ tsa² je² xi³ ntai¹ tjin¹.
 9 Jon² xi³ nai³-le⁴ mao³, c⁷oa⁴-ti⁴s⁷in²ni³ ti⁴cao⁴³ nca³
 je². Ti⁴njon¹³ xi³ ñ⁷ain³ n⁷ian²-lao⁴³, nca³ je³⁷yao³
 nca³ je² Nai³-le⁴ xi³ ts⁷e⁴ c⁷oa⁴ xi³ tsaon⁴³ ti¹jna³
 nc⁷a³jmi³, to⁴nco¹son² fi²cao⁴ nca³ts⁷i³.

*Je² cjoa⁴ xi³ ts⁷e⁴ Ni³na¹ xi³ nco³ya³-le⁴ qui⁴cha⁴ xi³
 ts⁷e⁴ so³nta²do⁴*

10 Xi³ fe³t⁷a³, n⁷ti¹nts⁷e³, ca²ta³s⁷e³-no³ nca³n⁷ion¹
 nca³ ti³yo³cao⁴³ Nai³-na¹ cao⁴ nca³yi³je³ nca³n⁷ion¹
 xi³ tse³ tjin¹-le⁴. 11 Jo³-ni³ tsa² so³nta²do⁴ ti⁴nca³jon³
 yao³-no³ nca³yi³je³ qui⁴cha⁴ xi³ ts⁷e⁴ Ni³na¹,
 jme¹-ni³ nca³ coan⁴-si¹ni³ nca³ coi⁴yo³ta²ja³-lao⁴³
 cjoa⁴ma²ña⁴-le⁴ je² nai⁴². 12 Li²coi³ cho⁴ta⁴son³⁷nte³
 xi³ njin¹ xi³ yao³ tjin¹-le⁴ xi³ coi³xcan¹coa⁴².
 To⁴je² xi³ co²ntran⁴-na¹ xi³ xa¹ti¹tjon² tjin¹-le⁴,
 xi³ cjoa⁴te¹xo³ma³ tjin¹-le⁴, xi³ nai⁴²ti¹tjon² xi³
 nca³qui³jnta² va³te¹xo³ma³ jña³ njion², xi³ je²
 nca³ts⁷i³ ntjao⁴ xi³ ch⁷ao³ s⁷in¹ xi³ ts⁷e⁴ ja⁴nc⁷a¹.
 13 Coi³ nca³ c⁷oa⁴-s⁷in² chjoe¹-nio³ nca³yi³je³
 qui⁴cha⁴ xi³ ts⁷e⁴ Ni³na¹, jme¹-ni³ nca³ coi⁴yo³ta²ja³-
 si¹ni³lao⁴³ je² ni⁴čhjin³ xi³ ñ⁷ain³ tjin¹. C⁷oa⁴-s⁷in²
 to⁴jo³ coi⁴yo³ta²jao³, nca³ je³c⁷oa⁴-s⁷in² qui³ni²jnc³
 nca³yi³je³. 14 C⁷oa⁴-s⁷in² n⁷ion¹ ti⁴yo³ntao³. Nta³
 t⁷e²cjao¹³ čhjoa⁴xin¹cja¹ntia³-no³ xi³ nco³ya³-
 le⁴ xi³ ña³qui³ c⁷oa⁴tjin¹. Tja³cjao¹³ me⁴-no³
 na³jño³qui⁴cha⁴ xi³ nco³ya³-le⁴ cjoa⁴ xi³ tjin¹-le⁴
 cjoa⁴qui²xi⁴. 15 Tja³yao³ ntso⁴co³ je² jte¹ xi³ nco³ya³-
 le⁴ nca³ ti³yo³ntao³ xi³ t⁷a³ts⁷e⁴ je² en¹nta³ xi³ tsjoa¹
 xi³ nch⁷an¹ tjin¹. 16 Je² xi³ nqui²sa⁴ ma³chjen¹,
 nca³ chjoao¹³ je² qui⁴cha⁴ xi³ va¹jcho³chjoa²
 yao³-no³ xi³ nco³ya³-le⁴ je² xi³ ma³cjin¹-na¹,

jme¹-ni³ nca³ c⁷oa⁴-s⁷in² si⁴cji³ts⁷ao¹-si¹nio³ je²
 flecha xi³ ti¹ti² xi³ ts⁷e⁴ nai⁴². 17 T⁷e²yao³ jco³ je²
 xo³mpe³qui⁴cha⁴ xi³ nco³ya³-le⁴ cjoa⁴vi³tjo³ntjai²-
 na¹, cao⁴ je² qui⁴cha⁴nto³ xi³ ts⁷e⁴ je² Espíritu Santo,
 xi³ nco³ya³-le⁴ je² en¹-le⁴ Ni³na¹. 18 T⁷e²ts⁷oa³-
 lao⁴³ Ni³na¹ nca³ntsjai², ti⁴je¹-lao⁴³ cjoa⁴nta³
 nca³yi³je³ xi³ to⁴t⁷a³ts⁷e⁴ je² Espíritu Santo. C⁷oa⁴-
 s⁷in² ti⁴yo³chon³⁷ntao³ to⁴jme³ hora-ni³, nca³
 v⁷e²ts⁷oa³ntjao²³ t⁷a³ts⁷e⁴ nca³ts⁷i³ cho⁴ta⁴-le⁴ Cristo.
 19 C⁷oa⁴-ti⁴s⁷in² t⁷e²ts⁷oao³ t⁷a³ts⁷an⁴, jme¹-ni³
 nca³ c⁷oi⁴-si¹ni³na³ en¹ nca³ sco³⁷e²³ ntso⁴⁷va³,
 c⁷oa⁴ jme¹-ni³ nca³ li²coi³ tsa³cjon³-si¹nia³ nca³
 coi³nchja²ya³ je² cjoa⁴⁷ma³ xi³ ts⁷e⁴ en¹nta³ t⁷a³ts⁷e⁴
 Cristo. 20 An³ nia¹³ xi³ c⁷oi⁴²-s⁷in² ti²jna⁴ nca³jao³-le⁴
 Ni³na¹. Ti²jna⁴n⁷ion¹t⁷a³ n⁷o¹qui⁴cha⁴ xi³ t⁷a³ts⁷e⁴
 je² en¹nta³ t⁷a³ts⁷e⁴ Cristo. C⁷oa⁴-s⁷in² t⁷e²ts⁷oao³
 t⁷a³ts⁷an⁴, jme¹-ni³ nca³ li²coi³ tsa³cjon³-si¹nia³
 nca³ n⁷ion¹ coi³nchja²ya³ xi³ t⁷a³ts⁷e⁴, jo³-s⁷in² nca³
 tjjin¹ne²-na³ nca³ coi³nchja²³.

Cjoa⁴ni²ti²⁷nta³ xi³ fe³t⁷a²

21 Je² Tíquico, je² nts⁷e³² xi³ cjai¹nca³ tsjoa³cha³²,
 xi³ cjai¹nca³ nta³ si¹xa¹ t⁷a³ts⁷e⁴ Nai³-na¹, je²
 c⁷oa⁴coi⁴tso⁴yi³je³-no³, jme¹-ni³ nca³ jcha⁴-si¹nio³
 jo³-s⁷in² ti²jna⁴ c⁷oa⁴ jo³-s⁷in² ma³ xa¹-na⁴. 22 Coi³
 cjoa⁴ nca³ qui³sca³ni³con³-no³ Tíquico, jme¹-ni³
 nca³ jcha⁴-si¹nio³ xi³ t⁷a³tsain⁴jjin⁴, c⁷oa⁴ jme¹-
 ni³ nca³ si⁴²je³con³-si¹ni³ ni⁴ma⁴-no³. 23 Je²
 Ni³na¹ N⁷ai³-na¹, c⁷oa⁴ je² Nai³-na¹ Jesucristo
 ca²ta³si¹qui³njen³nch⁷an¹jjin³ ni⁴ma⁴-le⁴ nts⁷e³²,
 ca²ta³tsjoa¹-le⁴ cjoa⁴tjao²cha³ nca³ ma³cjain¹-le⁴.
 24 Cjoa⁴nta³ ca²ta³s⁷e³-le⁴ nca³ts⁷i³ xi³ tsjoa³que³

Nai³-na¹ Jesucristo cao⁴ cjoa⁴tjao²cha³ xi³ ni⁴c⁷ia³-
jin² cjoe⁴. C⁷oa⁴ ca²ta³ma³.

Xon⁴-le⁴ ni³na¹ xi³ tʔa³tsʔe⁴ Jesucristo
New Testament in Mazatec, Huautla
(MX:mau:Mazatec, Huautla)

copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

69c7ee6e-d3c3-563f-a672-6ad58122d8ed